



Wozjewjenske wustawki gmejny Chrósćicy

Na zakładže § 4 wotst. 2 w zwisku z § 28 wotst. 1 Sakskeho gmejnskeho porjada a § 6 postajenja sakskeho statneho ministerstwa nutřkowneho wo formje komunalnych wozjewjenjow (KomBekVO) w stajnje plaćiwej formje, je gmejnska rada gmejny Chrósćicy dnja 19. septembra 2024 z wobzamknjenjom č. 26-09/2024 wobzamknyła:

§ 1 Wobłuk plaćiwosće

- (1) Tute wustawki rjaduja zjawne wozjewjenja gmejny Chrósćicy, dalokož nimaja so wosebite zwjazkowe abo krajne předpisy nałožować. Zjawne wozjewjenja w zmysle tutoho postajenja su:
 1. wozjewjenje prawnskich postajenjow,
 2. zjawne wozjewjenje wustawkow a
 3. dalše přez prawniske postajenja předpisane zjawne wozjewjenja a zjawne postajenja.
- (2) Hdyž je přez prawniske předpisy měštne wašnje wozjewjenjow abo měštne wašnje wozjewjenja předpisane, so tute wotpowědnje zjawnym wozjewjenjam po § 2 zwoprawdža.

§ 2 Zjawne wozjewjenja

- (1) Zjawne wozjewjenja gmejny kaž tež na měštne wašnje praktikowane wozjewjenja po twarskim zakonu wozjewja so, jeli žane wosebite zakonske postajenja njewobsteja, po § 3 č. 2 KomBekVO w elektroniskim wudaću zhromadneho hamtskeho łopjena zarjadniskeho zwjazka "Při Klóšterskej wodže" a jeho člonskich gmejnow Chrósćicy, Njebjelčicy, Pančicy-Kukow, Ralbicy-Róžant a Worklecy pod rubriku wozjewjenja na internetowych stronach
 - Zarjadniskeho zwjazka "Při Klóšterskej wodže" (pod <https://www.am-klosterwasser.de/verband/bekanntmachungen-und-mitteilungen.html>),
 - Gmejny Chrósćicy (pod <https://www.crostwitz.de/gemeindeverwaltung/oeffentliche-bekanntmachungen>),
 - Gmejny Njebjelčicy (pod <https://www.nebelschuetz.de/gemeinde/gemeindeverwaltung/bekanntmachungen>),
 - Gmejny Pančicy-Kukow (pod <https://www.panschwitz-kuckau.de/gemeinde-buerger-und-politik/bekanntmachungen-und-mitteilungen.html>),
 - Gmejny Ralbicy-Róžant (pod <https://www.ralbitz-rosenthal.de/aktuelles/bekanntmachungen>) kaž tež
 - Gmejny Worklecy (pod <https://www.raeckelwitz.de/index.php?id=3213&L=0.html>).

(2) Zjawne wozjewjenja maja so w połnym słownym wobsahu wozjewić. Hdyž maja so prawniske postajenje abo wustawki přizwolić abo hdyž wobsahuje wozjewjenje, kotrež ma so dowolić, ma so tež pozadk dowolnosće z podačom zarjada, kotryž to dowoli a z datumom dowolnosće wozjewić.

§ 3 Narunanske wozjewjenje

(1) Jeli wosebite zwjazkowe abo krajo prawniske předpisy, wosebje pak §§ 3 a 4a twarskeho zakonja jednu hinašu hač elektronisku formu wozjewjenja wuraznje předpisaja, wozjewja so wozjewjenja při taflach za wuwěški gmejny Chróscicy:

1. Chróscicy	Při pastyrni	parkowanišćo
2. Chróscicy	Hórnikowa	napřećo hosćencej "Herbska grychta"
3. Hórki	Hłowna dróha	nawjes
4. Prawočicy	Lipowa dróha	při kontejnerach za hódnotne maćizny
5. Nuknica	Wjesna dróha	před kulturnej baraku
6. Kozarcy	nawjes	při póštowym kašćiku
7. Kopšin	nawjes	při rozpuću

na dobu jednoho tydženja. Na wuwěški a dobu wozjewjenja so sčasom w hamtskim łopjenu skedźbni.

(2) Su plany abo grafiske předstajenja, wosebje karty, wobstatk prawniskeho postajenja abo wustawkow, móža so tute zjawnje wozjewić, tak zo

1. so jich bytostny wobsah w prawniskeho postajenju abo wustawkach wopisuje,
2. so wone - dalokož w zjawnym wozjewjenju žane druge zarjadnistwo postajene njeje – w zarjadniskim twarjenju zarjadniskeho zwjazka "Při Klóšterskej wodže", Póštowa dróha 8 w 01920 Pančicach-Kukowje k darmotnemu dohladej za kóždym za čas rěčnych hodžin, znajmjeńša pak tydžensce 20 hodžinow, za dobu znajmjeńša dweju tydženjow wupołža a
3. so při wozjewjenju prawniskeho postajenja abo wustawkow na to skedźbni.

(3) Wotstawk 2 plaći za hewaše zjawne wozjewjenja wotpowědnje.

§ 4 Nuzowe wozjewjenja

Zda so dypkowe wozjewjenje w předpisanej formje njemóžne, móže so zjawne wozjewjenje na druge, so hodžace wašnje přewjesć. Wozjewjenje ma so bjez komdženja po wotstronjenju zadžěwkow w předpisanej formje wospjetować, jeli njeje so w minjenym času jako wotbyte wopokazało.

§ 5 Přewjedženje wozjewjenja

(1) Zjawne wozjewjenja a wozjewjenja po zwučenym wašnju su z minjenjom dnja, na kotrymž su w interneće přistupne, wozjewjene.

(2) Narunanske wozjewjenje je z wotběhom doby wotpołożenja po § 3 wotst. 1 č. 2 wozjewjene.

(3) Nuzowe wozjewjenje je z wašnjom přewjedženja po § 4 wozjewjene.

(4) Přewjedženje wozjewjenja ma so w podložkach dokumentować.


§ 6 Přístup k zjavným wozjewjenjam

Nimo wozjewjenjow elektroniskeho hamtskeho łopjena na internetowych stronach zarjadniskeho zwjazka a jeho člonow su tute po postajenjach zakonja wo e-governmente w sekretariaće zarjadniskeho zwjazka "Při Klóšterskej wodže", Póštowa 8, 01920 Pančicy-Kukow přistupne. Při potrebjě móža so wučišćane wozjewjenja k dispoziciji stajić.

§ 7 Nabyće plaćiwosće

Tute wustawki nabudu 01.01.2025 plaćiwosć. Runočasnje zhubja wustawki wo formje zjavných wozjewjenjow gmejny Chróscicy z dnja 23.06.2006, z přěnjaj změnu z dnja 18.12.2009 a druhej změnu z dnja 27.08.2010 swoju plaćiwosć.

Chróscicy, dnja 20.09.2024



Marko Kliman
wjesnjanosta



Pokiw na doby k wozjewjenju zranjenjow předpisow nastupajo wotběh a formu:

Po § 4 wotst. 4 sada 1 SächsGemO plaća wustawki, kotrež su nastali zraniwši předpisy wotběha a formy, jedne lěto po tym, zo buchu wozjewjene, jako wot wšeho spočatka jako plaćiwne nastajene.


To njeplaći, hdyž

1. so wustawki njejsu nastajili abo jich nastajenje zmylki wobsahuje;
2. su so předpisy wo zjawnosći posedženja, přizwolenje abo wozjewjenje wustawkow zranili;
3. je wjesnjanosta wobzamknjenju po § 52 wotst. 2 SächsGemO dla zranjenja zakonja spřećiwił;
4. je před zakónčenjom doby, mjenowanej w sadže 1
 - a) so prawniske dohladowanske zarjad na wobzamknjenju postorkował abo
 - b) hdyž je so zranjenja předpisow wotběha a formy napřečo gmejnje z podačom wobstejnosćow, kotrež maja zranjenje wobkrućić, pisomnje wozjewiło.

Hdyž je so zranjenje po sadže 2 č. 2 abo 3 naspomniło, tak móže tež po zakónčenju dobu, mjenowanej w sadže 1 kóždyžkuli tute zranjenje wozjewiće. Sady 1 do 3 maja so jenož nałožować, hdyž je so při wozjewjenju wustawkow na předpisy formy a prawniske scěhi skedźbniło.

Tutón pokiw je z tym podaty.

Chróscicy, dnja 20.09.2024



Marko Kliman
wjesnjanosta